

INUIT ATAQATIGIIT

INATSISARTUNI



UKA2021/052

2. november 2021

Mariane Paviaisen

**Naalakkersuisut Juli 2022 naatinnagu nunatta kangiani innuttaasunut
inuussutissarsiornikkut inerisaanermut ineriartortitsinermullu
paasisitsiniaanissamik pikkorissaanertaqartumillu pilersaarusihamik
saqqummiusseqqullugit peqquneqarnissaannik Inatsisartut
aalajangiiffigisassaattut siunnersuut.**

(Inatsisartunut Ilaasortaq Lars Poulsen, Siumut)

Siullermik Inuit Ataqatigiit sinnerlugit siunnersuuteqartoq qutsavigaarpuit.

Siunnersuummi nunatta kangiani taagorneqartoq pineqartoq tassaasoraarput Tunu, taaguut taanna nunatsinni taaguutitut akuerisatut taaguutaammat siunnersuuteqarnermilu pisortatigoortumik taaguutit akuerisaasut atorneqartarnissaat siunissami kissaatiginarpoq.

Siunnersuuteqartup aallarniutigalugu ersarissarpaa suliffeqarfimmik aallartissarneq, suleruloorermik, aammalu inuttut pilliuteqarneq avaqqunneqarsinnaanngingajannerarpai, isumaqarpugut aallaqqaataanniilli suliffeqarfimmik aallartitsiniaraanni sulineq annertooq ingerlavagineqartariaqartoq avaqqunneqarsinnaanngitsoq.

Aallartisarniartunut siunnersuuteqartup oqaatigaa pisariaqartartoq ajalaarneqarnissaq, immaqa tassani pineqartoq tassaavoq ilitsersuuneqarnissaq, siunnersorneqarnissarlu, innuttaasummi ajattarlugit pisinnaanngilagut.

Inuit aalisaatissaanik tuneqqullugit, aalisakkamik ataatsimik tuniinnarnagait, tunngavilersuutigineqarput.

INUIT ATAQATIGIIT

INATSISARTUNI



Tunniussiinnartoqarneq ajorpoq, tapiissuteqartoqarsinnaasoqartarpooq, kinaluunniit nunatsinni suliffeqarfimmik aallartitsiniaruni pinngitsoorani anguniakkaminik suliniuteqaqqaaartussaatitaavoq, suliffeqarfimmik aallartitsiniarnermi tapiissuteqarsinnaassut pigaagut, Greenland Buisness, Innovation Greenland, aammattaaq Kommuneqarfik Sermeersooq annertuumik Tunumut tunngasunik suliniuteqarpoq, ass. Takornalialerinermut suliaqartunut tapiissuteqarsinnaaneq, ilinniarfinnik suleqateqarlutik pikkorissaanernik ingerlatsineq ingerlanneqarpoq manna aammalu Naalakkersuisunngorlaat Tunu ima pingaartitsigaat allaat ukiup affanngitsorluunniit naalakkersuisoorernermi kingorna Tunu tikillugu alakkaasimavoq suliniutit suut pisariaqartinneqarnersut misissorlugit.

Uumap siunnersuutip suliarinerani paasisakka ukuupput: 02.dec.21 qaammak tulleq inuussutissarsiornernik isumasioqatigiinneq Kommuneqarfik Sermersuup aaqqissuusaa ingerlanneqassaaq, Kommeqarfik Sermersuup ukioq manna inuussutissarsiornermik Tunumi ineriaortitsinissamut pilersaarusiaq ukioq manna isumaqatigiissutigaat tassani ilaalluni ingerlaavartumik pikkorissaasoqartassasoq, pikkorissaassutigineqartussatullu pilersaarutit ilaat tassaavoq suliffeqarfimmi aallartitsiniaraanni aningaasanik aqutsisinnaanneq.

Pikkorissaasarnerit kommunip akisussaaffitsik pimoorlulluinnarlugu inuussutissarsiornikkut siuarsaniarnerit ingerlalluarnerat oqaatigineqarpoq ukiut qulit kingulliit ataavartumik ingerlasimanerisa takussutissartaat aalisarneq Tunumi ima siuarsimatigilersimammat allaat inuussuttut aalisartut Upernavimmi aalisartunut isertitaat annertussutsimikkut sanillersuunneqarsinnaalersimallutik. Unammillernartua tassaavoq tunitsiviit Tunu periarfissat annikimmata.

Naalakkersuisut allannguutissatut siunnersummik imaattumik:

"Naalakkersuisut juli 2022 naatinngu nunatta kangiani innuttaasunut paasititsiniaanissamik pikkorissaanertaqartumillu pilersaarusiamik

INUIT ATAQATIGIIT

INATSISARTUNI



saqqummiusseqquneqarnissaanik aalajangiiffigisassatut siunnersuut. Suliaq maannamut isumaginninnikkut suliffeqarnerullu iluani ineriartortitsinernut ingerlanneqareersunut tapitartuutaassaaq”

Saqqummiussinerat taperserlugu ataatsimiitsitaliamut susassaqartumut ingerlateqqipparput.

Qujanaq.